

金刚般若波罗蜜经讲记 科判

姚秦三藏法师鸠摩罗什 译 道源长老 讲述

释道净 整理 20240726 2 稿 微信 qq 973451196 校对 禁止商用篡改 法律责任必究

表 0-1: (3 表) 总表

(参考佛陀教育基金会 2012 年修订版校对)

		科判		经文							
一总释名题分二		甲一经题		金剛般若波羅蜜經							
		甲二译人		姚秦三藏法師鳩摩羅什譯							
释题解文分二		甲一序分分二【法会因由分第一】（表1）（第几即表几，下类同）		乙一证信序通序							
				乙二发起序别序							
		丙一当机诚请分二		丁一承前赞善							
				丁二因机设问							
		丙二如来许说分二		丁一赞善印是							
				丁二诚听许说							
		丙三当机愿闻									
		乙一略明降住生信分分四		丁一开示降住分三	戊一降心之方分三		己一标示				
							己二正明				
							己三征释				
				戊二住心之方分三【妙行无住分第四】		己一正示其方分三		庚一标示			
								庚二指释			
								庚三结示			
						己二征释其意					
						己三劝如教住					
				戊三兼释伏疑分二		己一释因生疑					
						己二防转成疑分二		庚一防报相可住疑			
								庚二防究竟无佛疑			
				丁二成就信心分四		戊一显信具德分二		己一深生实信德分三		庚一当机问信	
										庚二如来答有	
								己二一念净信德		庚三显示其德	
						戊二展转征释分三		己一承征承释			
								己二转征转释			
		己三再征再释									
		戊三结示进信									
		戊四重释伏疑分三【无得无说分第七】						己一防疑示问			
						己二当机裁答					
						己三征起释成					
		丁三较量持福分三【依法出生分第八】				戊一能较量					
						戊二所较量					
						戊三释伏疑					
		乙二推广降住开解分分三		丙一推广降住分三	丁一正与推广分二	戊一推广降心之法分四【一相无相分第九】		己一初果离相			
								己二二果离相			
								己三三果离相			
						己四四果离相分二		庚一问答显离			
								庚二引己作证			
				戊二推广住心之法分二【庄严净土分第十】		己一修因无住分三		庚一得记无住			
								庚二严土无住			
己二得果无住						庚三总以结示					

表 0-2：（3 表）总表

释 题 解 文 分 二	二 别 解 文 义 分 三	甲 二 正 宗 分 分 四	乙 二 推 广 降 住 开 解 分 分 三	丙 一 推 广 降 住 分 三	丁二略示 周足分三 【无为福 胜分第十 一】	戊一校量持福分二		己一能校量分二		庚一极显恒河沙多		
								己二所校量		庚二极显宝施福多		
						戊二取劣况胜分二【尊重正教分第十二】					己一随说尚胜	
											己二何况尽持	
						戊三请示经名分二【如法受持分第十三】					己一当机请名奉持	
											己二如来如请为示	
						丁三尽断余疑分三			戊一断是名何必强说疑			
									戊二断无说云何摄界疑			
									戊三断名界云何现相疑			
						丙二成就解慧 分五	丁一校量经 功分三 【离相寂灭 分第十四】	戊一当机闻解悲感				
				戊二赞叹信解功德 分二	己一现前信解功德							
					己二当来信解功德分二			庚一正以赞叹				
								庚二展转征释				
				戊三如来印许证释分二				己一正与印证				
								己二征起转释				
				丁三类明余度 分二	戊一类明忍度分二		己一正以类明					
							己二引事证释分二					
							庚一详引近事					
							庚二略引远事					
				戊二总结一切								
				丁四会合前语分二			戊一正与会合					
							戊二兼释伏疑					
				丁五遮疑助解分二			戊一以语遮疑					
							戊二以喻助解					
				丙三显示经功 分四	丁一分门略显分三	戊一显示自持功德						
						戊二校量闻经功德【持经功德分第十五】						
						戊三况显兼说功德						
					丁二释义详示分四	戊一约教理显德						
						戊二约行果显德						
						戊三约依处显德						
						戊四约功用显德【能净业障分第十六】						
					丁三引因较量							
				丁四总以结叹								
				乙三究竟降住起修分二 【究竟无我分第十七】	丙一当机重问降住							
					丙二如来原问发明分三	丁一降心离相分二	戊一略明					
							戊二详示分四	己一得记离相分四		庚一问答略明		
										庚二印证详释分二		
										辛一印证		
										辛二详释		
									庚三征起转显			
									庚四结示中道			
							己二感报离相					
							己三修因离相分二	庚一承前总以例明				
								庚二约事别为遣相分二		辛一约度生遣相		
									辛二约严土遣相			
							己四知见离相分二【一体同观分第十八】			庚一见无定相		
										庚二知无实相		

表 0-3: (3 表) 总表

释题解文分二	二别解文义分三	甲二正宗分分四	乙三究竟降起分二	丙二如来问发明分三	丁二住心无住分二【法界通化分第十九】	戊一略明				
						戊二详示分四【离色相分第二十】	己一见佛无住分二		庚一 见身无住 庚二 见相无住	
							己二闻法无住分二【非说所说分第二十一】		庚一 说者无住 庚二 闻者无住	
							己三得果无住分二【无法可得分第二十二】		庚一 空生问得为无 庚二 如来印答无得	
							己四修因无住【净心行善分第二十三】			
							丁三校量持福【福智无比分第二十四】			
			乙四决定住证分三【化无所化分第二十五】	丙一降心离相分二	丁一略明					
					丁二详示分二【法身非相分第二十六】	戊一观相离相分三		己一 探定本见 己二 验出非真 己三 权以偈安		
						戊二离相亦离分二【无断无灭分第二十七】		己一 遮念离相 己二 明遮所以		
						戊一 无住福胜 戊二 明其所以				
				丙二住心无住分二【不受不贪分第二十八】	丁一略明分二					
					丁二详示分二【威仪寂静分第二十九】		戊一 正报无住 戊二 依报无住分二【一合理相分第三十】		己一 微尘无住 己二 世界无住	
				丙三结归问意分二	丁一结归云何降心问分二		戊一 拂我显无分二		己一 问答拂我 己二 征起显无	
							戊二 佛法结问			
					丁二结归云何住心问分二		戊一 校显持说			
							戊二 示说结问分二		己一 示说不取 己二 不取之故	
甲三流通分										

表 1: 【法会因由分第一】

科判		经文
甲一序分分二	乙一证信序通序	如是我闻：一时佛在舍卫国，祇树给孤独园，与大比丘众，千二百五十人俱。
	乙二发起序别序	尔时世尊，食时，着衣，持钵，入舍卫大城，乞食。 于其城中，次第乞已，还至本处。 饭食讫，收衣钵。洗足已，敷座而坐。

表 2: 【善现启请分第二】

甲二正宗分分四	乙一略明降住生信分四	丙一当机诚请分二	丁一承前赞善	时，长老须菩提，在大众中，即从座起，偏袒右肩，右膝着地，合掌恭敬，而白佛言： 希有！世尊！如来善护念诸菩萨，善付嘱诸菩萨。
			丁二因机设问	世尊！善男子、善女人，发阿耨多罗三藐三菩提心，云何应住？云何降伏其心？
		丙二如来许说分二	丁一赞善印是	佛言：善哉善哉！须菩提！如汝所说：如来善护念诸菩萨，善付嘱诸菩萨。
			丁二诚听许说	汝今谛听！当为汝说。 善男子、善女人，发阿耨多罗三藐三菩提心，应如是住，如是降伏其心。
		丙三当机愿闻		唯然！世尊！愿乐欲闻。

表 3:【大乘正宗分第三】

丙四 如来 开示 分三	丁一 开示 降住 分三	戊一降心 之方分三	己一标示	佛告须菩提：诸菩萨摩訶萨，应如是降伏其心。
			己二正明	所有一切众生之类：若卵生、若胎生、若湿生、若化生。 若有色、若无色。若有想、若无想、若非有想非无想，我皆令入无余涅槃，而灭度之。 如是灭度无量无数无边众生，实无众生得灭度者！
			己三征释	何以故？须菩提！ 若菩萨有我相、人相、众生相、寿者相，即非菩萨。

表 4:【妙行无住分第四】

丙四 如来 开示 分三	丁一 开示 降住 分三	戊二住心 之方分三	己一正示其方 分三	庚一标示	复次，须菩提！菩萨于法，应无所住，行于布施。
				庚二指释	所谓不住色布施，不住声、香、味、触、法布施。
				庚三结示	须菩提！菩萨应如是布施，不住于相！
			己二征释其意		何以故？若菩萨不住相布施，其福德不可思量！ 须菩提！于意云何？东方虚空，可思量不？ 不也，世尊！ 须菩提！南西北方，四维上下虚空，可思量不？ 不也，世尊！ 须菩提！菩萨无住相布施，福德亦复如是不可思量。
			己三劝如教住		须菩提！菩萨但应如所教住。

表 5:【如理实见分第五】

丙四 如来 开示 分三	丁一 开示 降住 分三	戊三兼释 伏疑 分二	己一释因生疑		须菩提！于意云何？ 可以身相见如来不？ 不也，世尊！不可以身相得见如来。 何以故？如来所说身相，即非身相。
			己二防转成 疑分二	庚一防报相可住疑	佛告须菩提：凡所有相，皆是虚妄！
				庚二防究竟无佛疑	若见诸相非相，即见如来！

表 6:【正信希有分第六】

丙四 如来 开示 分三	丁二成就信心 分四	戊一显信具德 分二	己一深生实信 德分三	庚一当机问信	须菩提白佛言： 世尊！颇有众生，得闻如是言说章句，生实信不？
				庚二如来答有	佛告须菩提：莫作是说！如来灭后，后五百岁，有持戒修福者，于此章句，能生信心，以此为实。
				庚三显示其德	当知是人，不于一佛、二佛、三四五佛，而种善根。已于无量千万佛所，种诸善根。
		戊二展转征释 分三	己二一念净信德		闻是章句，乃至一念生净信者，须菩提！如来悉知悉见。 是诸众生，得如是无量福德。
			己一承征承释		何以故？是诸众生，无复我相、人相、众生相、寿者相。 无法相，亦无非法相。
			己二转征转释		何以故？是诸众生，若心取相，即为着我、人、众生、寿者。 若取法相，即着我、人、众生、寿者。
			己三再征再释		何以故？若取非法相，即着我、人、众生、寿者。 是故不应取法，不应取非法。
		戊三结示进信			以是义故，如来常说： 汝等比丘，知我说法，如筏喻者。 法尚应舍，何况非法。

表 7:【无得无说分第七】

乙一略明降住生信分分四	丙四如来开示分三	丁二成就信心分四	戊四重释伏疑分三	己一防疑示问	须菩提！于意云何？ 如来得阿耨多罗三藐三菩提耶？ 如来有所说法耶？
				己二当机裁答	须菩提言：如我解佛所说义，无有定法，名阿耨多罗三藐三菩提。 亦无有定法，如来可说。
				己三征起释成	何以故？ 如来所说法，皆不可取，不可说，非法、非非法。 所以者何？一切贤圣，皆以无为法，而有差别。

表 8:【依法出生分第八】

乙一略明降住生信分分四	丙四如来开示分三	丁三较量持福分三	戊一能较量	须菩提！于意云何？若人满三千大千世界七宝，以用布施。是人所得福德，宁为多不？ 须菩提言：甚多！世尊！ 何以故？是福德即非福德性，是故如来说福德多。
			戊二所较量	若复有人，于此经中受持，乃至四句偈等，为他人说，其福胜彼！ 何以故？须菩提！一切诸佛，及诸佛阿耨多罗三藐三菩提法，皆从此经出！
			戊三释伏疑	须菩提！所谓佛法者，即非佛法。

表 9:【一相无相分第九】

乙二推广降住开解分分三	丙一推广降住分三	丁一正与推广分二	戊一推广降心之法分四	己一初果离相		须菩提！于意云何？须陀洹能作是念：我得须陀洹果不？ 须菩提言：不也，世尊！ 何以故？须陀洹名为入流，而无所入。 不入色、声、香、味、触、法，是名须陀洹。
				己二二果离相		须菩提！于意云何？斯陀含能作是念：我得斯陀含果不？ 须菩提言：不也，世尊！ 何以故？斯陀含名一往来，而实无往来，是名斯陀含。
				己三三果离相		须菩提！于意云何？阿那含能作是念：我得阿那含果不？ 须菩提言：不也，世尊！ 何以故？阿那含名为不来，而实无不来，是故名阿那含。
				己四四果离相分二	庚一问答显离	须菩提！于意云何？阿罗汉能作是念：我得阿罗汉道不？ 须菩提言：不也，世尊！何以故？实无有法，名阿罗汉。 世尊！若阿罗汉作是念： 我得阿罗汉道，即为着我、人、众生、寿者。
					庚二引已作证	世尊！佛说我得无诤三昧，人中最为第一！是第一离欲阿罗汉！ 我不作是念：我是离欲阿罗汉。 世尊！我若作是念：我得阿罗汉道。 世尊则不说，须菩提是乐阿兰那行者。 以须菩提实无所行，而名须菩提是乐阿兰那行。

表 10:【庄严净土分第十】

丙一推广降住分三	丁一正与推广分二	戊二推广住心之法分二	己一修因无住分三	庚一得记无住	佛告须菩提：于意云何？如来昔在然灯佛所，于法有所得不？ 不也，世尊！如来在然灯佛所，于法实无所得。
				庚二严土无住	须菩提！于意云何？菩萨庄严佛土不？ 不也，世尊！何以故？庄严佛土者，即非庄严，是名庄严。
				庚三总以结示	是故须菩提！诸菩萨摩诃萨，应如是生清净心，不应住色生心，不应住声、香、味、触、法生心。 应无所住，而生其心！
			己二得果无住		须菩提！譬如有人，身如须弥山王，于意云何？ 是身为大不？ 须菩提言：甚大！世尊！何以故？佛说非身，是名大身。

表 11【无为福胜分第十一】

丙一推广降住分三	丁二略示周足分三	戊一校量持福分二	己一能校量分二	庚一极显恒河沙多	须菩提！如恒河中所有沙数，如是沙等恒河，于意云何？ 是诸恒河沙，宁为多不？ 须菩提言：甚多！世尊！ 但诸恒河，尚多无数，何况其沙。
				庚二极显宝施福多	须菩提！我今实言告汝：若有善男子、善女人，以七宝满尔所恒河沙数三千大千世界，以用布施，得福多不？ 须菩提言：甚多！世尊！
			己二所校量		佛告须菩提：若善男子、善女人，于此经中，乃至受持四句偈等，为他人说。 而此福德，胜前福德。

表 12:【尊重正教分第十二】

丙一推广降住分三	丁二略示周足分三	戊二取劣况胜分二	己一随说尚胜	复次，须菩提！随说是经，乃至四句偈等。 当知此处，一切世间天、人、阿修罗，皆应供养，如佛塔庙。
			己二何况尽持	何况有人，尽能受持、读诵。 须菩提！当知是人，成就最上第一希有之法！ 若是经典所在之处，即为有佛，若尊重弟子。

表 13:【如法受持分第十三】

丙一推广降住分三	丁二略示周足分三	戊三请示经名分二	己一当机请名奉持	尔时须菩提白佛言：世尊！当何名此经？我等云何奉持？
			己二如来如请为示	佛告须菩提：是经名为金刚般若波罗蜜。 以是名字，汝当奉持。 所以者何？须菩提！ 佛说般若波罗蜜，即非般若波罗蜜，是名般若波罗蜜。
	丁三尽断余疑分三		戊一断是名何必强说疑	须菩提！于意云何？如来有所说法不？ 须菩提白佛言：世尊！如来无所说。
			戊二断无说云何摄界疑	须菩提！于意云何？三千大千世界所有微尘，是为多不？ 须菩提言：甚多！世尊！ 须菩提！诸微尘，如来说非微尘，是名微尘。 如来说世界，非世界，是名世界。
			戊三断名界云何现相疑	须菩提！于意云何？可以三十二相见如来不？ 不也，世尊！不可以三十二相得见如来。 何以故？如来说三十二相，即是非相，是名三十二相。
丙二成就解慧分五		丁一校量经功	须菩提！若有善男子、善女人，以恒河沙等身命布施。 若复有人，于此经中，乃至受持四句偈等，为他人说，其福甚多！	

表 14:【离相寂灭分第十四】

丙二成就解慧分五	丁二信解感叹分三	戊一当机闻解悲感			尔时，须菩提闻说是经，深解义趣，涕泪悲泣，而白佛言： 希有！世尊！佛说如是甚深经典，我从昔来所得慧眼，未曾得闻如是之经。		
		戊二赞叹信解功德分二	己一现前信解功德		世尊！若复有人，得闻是经，信心清静，即生实相。 当知是人，成就第一希有功德！ 世尊，是实相者，即是非相，是故如来说名实相。		
			己二当来信解功德分二	庚一正以赞叹		世尊！我今得闻，如是经典，信解受持，不足为难。 若当来世，后五百岁，其有众生，得闻是经，信解受持，是人即为第一希有！	
				庚二展转征释		何以故？此人无我相、无人相、无众生相、无寿者相。 所以者何？我相即是非相，人相、众生相、寿者相，即是非相。 何以故？离一切诸相，即名诸佛！	
			戊三如来印许证释分二		己一正与印证		佛告须菩提：如是如是！ 若复有人，得闻是经，不惊、不怖、不畏，当知是人，甚为希有！
		己二征起转释			何以故？须菩提！如来说第一波罗蜜，即非第一波罗蜜，是名第一波罗蜜。		
	丁三类明余度分二	戊一类明忍度分二	己一正以类明			须菩提！忍辱波罗蜜，如来说非忍辱波罗蜜，是名忍辱波罗蜜。	
			己二引事证释分二	庚一详引近事			何以故？须菩提！如我昔为歌利王割截身体，我于尔时，无我相、无人相、无众生相、无寿者相。 何以故？我于往昔节节支解时，若有我相、人相、众生相、寿者相，应生瞋恨。
				庚二略引远事			须菩提！又念过去，于五百世，作忍辱仙人，于尔所世，无我相、无人相、无众生相、无寿者相。
		戊二总结一切			是故须菩提！菩萨应离一切相，发阿耨多罗三藐三菩提心！ 不应住色生心，不应住声、香、味、触、法生心。应生无所住心！ 若心有住，即为非住。		
	丁四会合前语分二			戊一正与会合		是故佛说菩萨心，不应住色布施。	
				戊二兼释伏疑		须菩提！菩萨为利益一切众生故，应如是布施。如来说一切诸相，即是非相。又说一切众生，即非众生。	
	丁五遮疑助解分二			戊一以语遮疑		须菩提！ 如来是真语者、实语者、如语者、不诳语者、不异语者。 须菩提！如来所得法，此法无实无虚！	
				戊二以喻助解		须菩提！ 若菩萨心，住于法而行布施，如人入闇，即无所见。 若菩萨心，不住法而行布施，如人有目，日光明照，见种种色。	
	丙三显示经功分四	丁一分门略显分三		戊一显示自持功德		须菩提！当来之世，若有善男子、善女人，能于此经，受持、读诵，即为如来以佛智慧，悉知是人，悉见是人，皆得成就无量无边功德。	

表 15:【持经功德分第十五】

丙 三 显 示 经 功 分 四	丁一分门略显分三	戊二校量闻经功德	<p>须菩提！</p> <p>若有善男子、善女人，初日分，以恒河沙等身布施。中日分，复以恒河沙等身布施。后日分，亦以恒河沙等身布施。如是无量百千万亿劫，以身布施。若复有人，闻此经典，信心不逆，其福胜彼。</p>
		戊三况显兼说功德	何况书写、受持、读诵，为人解说。
	丁二释义详示分四	戊一约教理显德	<p>须菩提！</p> <p>以要言之，是经有不可思议、不可称量，无边功德。</p>
		戊二约行果显德	<p>如来为发大乘者说，为发最上乘者说。</p> <p>若有人能受持、读诵，广为人说，如来悉知是人，悉见是人，皆得成就不可量、不可称、无有边、不可思议功德。</p> <p>如是人等，即为荷担如来阿耨多罗三藐三菩提。何以故？</p> <p>须菩提！</p> <p>若乐小法者，着我见、人见、众生见、寿者见，即于此经，不能听受、读诵，为人解说。</p>
		戊三约依处显德	<p>须菩提！</p> <p>在在处处，若有此经，一切世间天、人、阿修罗，所应供养。</p> <p>当知此处，即为是塔。</p> <p>皆应恭敬，作礼、围绕，以诸华、香，而散其处。</p>

表 16:【能净业障分第十六】

丙 三 显 示 经 功 分 四	丁二释义详示分四	戊四约功用显德	<p>复次，须菩提！</p> <p>善男子、善女人，受持、读诵此经，若为人轻贱，是人先世罪业，应堕恶道！</p> <p>以今世人轻贱故，先世罪业，即为消灭，当得阿耨多罗三藐三菩提！</p>
	丁三引因较量		<p>须菩提！</p> <p>我念过去无量阿僧祇劫，于然灯佛前，得值八百万亿那由他诸佛，悉皆供养、承事，无空过者。</p> <p>若复有人，于后末世，能受持、读诵此经，所得功德，于我所供养诸佛功德，百分不及一，千万亿分，乃至算数、譬喻，所不能及。</p>
	丁四总以结叹		<p>须菩提！</p> <p>若善男子、善女人，于后末世，有受持、读诵此经，所得功德，我若具说者，或有人闻，心即狂乱，狐疑不信！</p> <p>须菩提！</p> <p>当知是经义不可思议！</p> <p>果报亦不可思议！</p>

表 17:【究竟无我分第十七】

乙三究竟降住起修分二	丙一当机重问降住				尔时，须菩提白佛言： 世尊！善男子、善女人，发阿耨多罗三藐三菩提心，云何应住？ 云何降伏其心？			
	丙二如来原问发明分三	丁一降心离相分二	戊一略明	佛告须菩提： 善男子、善女人，发阿耨多罗三藐三菩提心者，当生如是心： 我应灭度一切众生！ 灭度一切众生已，而无有一众生实灭度者。 何以故？若菩萨有我相、人相、众生相、寿者相，即非菩萨。 所以者何？须菩提！ 实无有法，发阿耨多罗三藐三菩提心者。				
				须菩提！于意云何？ 如来于然灯佛所，有法得阿耨多罗三藐三菩提不？ 不也，世尊！ 如我解佛所说义，佛于然灯佛所，无有法得阿耨多罗三藐三菩提。				
			己一得记离相分四	戊二详示分四	庚一问答略明	辛一印证	佛言：如是如是！须菩提！ 实无有法，如来得阿耨多罗三藐三菩提。	
							庚二印证详释分二	辛二详释
				庚三征起转显		何以故？ 如来者，即诸法如义。 若有人言： 如来得阿耨多罗三藐三菩提，须菩提！ 实无有法，佛得阿耨多罗三藐三菩提。		
				庚四结示中道		须菩提！ 如来所得阿耨多罗三藐三菩提，于是中无实无虚！ 是故如来说：一切法皆是佛法！ 须菩提！所言一切法者，即非一切法，是故名一切法。		
				己二感报离相			须菩提！譬如人身长大。 须菩提言：世尊！如来说人身长大，即为非大身，是名大身。	
			己三修因离相分二	庚一承前总以例明		须菩提！菩萨亦如是，		
				庚二约事别为遣相分二	辛一约度生遣相	若作是言： 我当灭度无量众生，即不名菩萨。 何以故？须菩提！实无有法，名为菩萨。 是故佛说：一切法无我、无人、无众生、无寿者。		
						辛二约严土遣相	须菩提！若菩萨作是言： 我当庄严佛土，是不名菩萨。 何以故？ 如来说庄严佛土者，即非庄严，是名庄严。 须菩提！ 若菩萨通达无我法者，如来说名真是菩萨。	

表 18:【一体同观分第十八】

丁一 降心 离相 分二	戊二 示分 四	己四 知见 离相 分二	庚一见无定相	<p>须菩提！于意云何？如来有肉眼不？ 如是，世尊！如来有肉眼。</p> <p>须菩提！于意云何？如来有天眼不？ 如是，世尊！如来有天眼。</p> <p>须菩提！于意云何？如来有慧眼不？ 如是，世尊！如来有慧眼。</p> <p>须菩提！于意云何？如来有法眼不？ 如是，世尊！如来有法眼。</p> <p>须菩提！于意云何？如来有佛眼不？ 如是，世尊！如来有佛眼。</p>
			庚二知无实相	<p>须菩提！于意云何？如恒河中所有沙，佛说是沙不？ 如是，世尊！如来说是沙。</p> <p>须菩提！于意云何？如一恒河中所有沙，有如是沙等恒河，是诸恒河所有沙数佛世界，如是宁为多不？ 甚多！世尊！</p> <p>佛告须菩提： 尔所国土中，所有众生，若干种心，如来悉知。 何以故？如来说诸心，皆为非心，是名为心。 所以者何？须菩提！ 过去心不可得，现在心不可得，未来心不可得。</p>

表 19:【法界通化分第十九】

丁二住心无住分二	戊一略明	<p>须菩提！于意云何？ 若有人满三千大千世界七宝，以用布施，是人以是因缘，得福多不？ 如是，世尊！此人以是因缘，得福甚多！ 须菩提！若福德有实，如来说得福德多。 以福德无故，如来说得福德多。</p>
----------	------	--

表 20:【离色离相分第二十】

丁二 住心 无住 分二	戊二 示分 四	己一 见佛 无住 分二	庚一见身无住	<p>须菩提！于意云何？佛可以具足色身见不？ 不也，世尊！ 如来不应以具足色身见。 何以故？ 如来说具足色身，即非具足色身，是名具足色身。</p>
			庚二见相无住	<p>须菩提！于意云何？如来可以具足诸相见不？ 不也，世尊！如来不应以具足诸相见。 何以故？如来说诸相具足，即非具足，是名诸相具足。</p>

表 21:【非说所说分第二十一】

丁二 住心 无住 分二	戊二 示分 四	己二 闻法 无住 分二	庚一说者无住	<p>须菩提！汝勿谓如来作是念：我当有所说法。 莫作是念！何以故？ 若人言：如来有所说法，即为谤佛！ 不能解我所说故。 须菩提！ 说法者，无法可说，是名说法。</p>
			庚二闻者无住	<p>尔时，慧命须菩提，白佛言： 世尊！颇有众生，于未来世，闻说是法，生信心不？ 佛言：须菩提！彼非众生，非不众生。何以故？ 须菩提！众生众生者，如来说非众生，是名众生。</p>

表 22:【无法可得分第二十二】

乙三究竟降住起修分二	丙二如来问发明分三	丁二住心无住分二	戊二示分四	己三得无住分二	庚一空生问得为无	须菩提白佛言： 世尊！佛得阿耨多罗三藐三菩提，为无所得耶！
					庚二如来印答无得	佛言：如是如是！须菩提！ 我于阿耨多罗三藐三菩提，乃至无有少法可得，是名阿耨多罗三藐三菩提。

表 23:【净心行善分第二十三】

乙三究竟降住起修分二	丙二如来问发明分三	丁二住心无住分二	戊二示分四	己四修因无住	<p>复次，须菩提！是法平等，无有高下，是名阿耨多罗三藐三菩提。</p> <p>以无我、无人、无众生、无寿者，修一切善法，即得阿耨多罗三藐三菩提。</p> <p>须菩提！所言善法者，如来说即非善法，是名善法。</p>
------------	-----------	----------	-------	--------	--

表 24:【福智无比分第二十四】

乙三究竟降住起修分二	丙二如来问发明分三	丁三校量持福	<p>须菩提！若三千大千世界中，所有诸须弥山王，如是等七宝聚，有人持用布施。</p> <p>若人以此般若波罗蜜经，乃至四句偈等，受持、读诵，为他人说。</p> <p>于前福德，百分不及一，百千万亿分，乃至算数、譬喻，所不能及。</p>
------------	-----------	--------	---

表 25:【化无所化分第二十五】

乙四决定降住成证分三	丙一降心离相分二	丁一略明	<p>须菩提！于意云何？汝等勿谓如来作是念：我当度众生。</p> <p>须菩提！莫作是念！何以故？实无有众生，如来度者。</p> <p>若有众生，如来度者，如来即有我、人、众生、寿者。</p> <p>须菩提！如来说有我者，即非有我。</p> <p>而凡夫之人，以为有我。</p> <p>须菩提！凡夫者，如来说即非凡夫，是名凡夫。</p>
------------	----------	------	--

表 26:【法身非相分第二十六】

乙四决定降住成证分三	丙一降心离相分二	丁二示分二	戊一观相离相分三	己一探定本见	<p>须菩提！于意云何？可以三十二相观如来不？</p> <p>须菩提言：如是如是，以三十二相观如来。</p>
				己二验出非真	<p>佛言：须菩提！若以三十二相观如来者，转轮圣王，即是如来。</p> <p>须菩提白佛言：世尊！如我解佛所说义，不应以三十二相观如来。</p>
				己三权以偈安	<p>尔时世尊，而说偈言：</p> <p>若以色见我，以音声求我， 是人行邪道，不能见如来！</p>

表 27:【无断无灭分第二十七】

乙四决定降住成证分三	丙一降心离相分二	丁二示分二	戊二相离亦分二	己一遮念离相	<p>须菩提！汝若作是念：如来不以具足相故，得阿耨多罗三藐三菩提。</p> <p>须菩提！莫作是念，如来不以具足相故，得阿耨多罗三藐三菩提。</p>
				己二明遮所以	<p>须菩提！汝若作是念，发阿耨多罗三藐三菩提心者，说诸法断灭！莫作是念！何以故？</p> <p>发阿耨多罗三藐三菩提心者，于法不说断灭相！</p>

表 28:【不受不贪分第二十八】

甲二 正宗 分分 四	乙四决 定降住 成证分 分三	丙二 住心 无住分 分二	丁一 略明 分二	戊一无 住福胜	须菩提！若菩萨以满恒河沙等世界七宝，持用布施。若复有人，知一切法无我，得成于忍。此菩萨胜前菩萨，所得功德。
				戊二明 其所以	何以故？须菩提！以诸菩萨不受福德故。须菩提白佛言：世尊！云何菩萨不受福德？须菩提！菩萨所作福德，不应贪着，是故说不受福德。

表 29:【威仪寂静分第二十九】

甲二 正宗 分分 四	乙四决 定降住 成证分 分三	丙二 住心 无住分 分二	丁二 详示 分二	戊一正 报无住	须菩提！若有人言：如来若来、若去、若坐、若卧，是不解我所说义。何以故？如来者，无所从来，亦无所去，故名如来。
---------------------	-------------------------	-----------------------	----------------	------------	--

表 30:【一合理相分第三十】

甲二 正宗 分分 四	乙四决 定降住 成证分 分三	丙二 住心 无住分 分二	丁二 详示 分二	戊二依 报无住 分二	己一微尘 无住	须菩提！若善男子、善女人，以三千大千世界碎为微尘。于意云何？是微尘众，宁为多不？须菩提言：甚多！世尊！何以故？若是微尘众实有者，佛即不说是微尘众。所以者何？佛说微尘众，即非微尘众，是名微尘众。
					己二世界 无住	世尊！如来所说三千大千世界，即非世界，是名世界。何以故？若世界实有者，即是一合相。如来说一合相，即非一合相，是名一合相。须菩提！一合相者，即是不可说，但凡夫之人，贪着其事。

表 31:【知见不生分第三十一】

甲二 正宗 分四	乙四 决定住 证分三	丙三 结归问 意分二	丁一 结归云 何降心 问分二	戊一我 拂显无 分二	己一问答拂我	须菩提！若人言：佛说我见、人见、众生见、寿者见。 须菩提！于意云何？是人解我所说义不？ 不也，世尊！是不解如来所说义。
					己二征起显无	何以故？世尊说我见、人见、众生见、寿者见，即非我见、人见、众生见、寿者见，是名我见、人见、众生见、寿者见。
				戊二佛法结问		须菩提！发阿耨多罗三藐三菩提心者，于一切法，应如是知，如是见，如是信解，不生法相。 须菩提！ 所言法相者，如来说即非法相，是名法相。

表 32:【应化非真分第三十二】

甲二正宗分四	乙四决定住证分三	丙三结归问意分二	丁二归何心问二	戊一校显持说		须菩提！ 若有人以满无量阿僧祇世界七宝，持用布施。 若有善男子、善女人，发菩提心者，持于此经， 乃至四句偈等，受持、读诵，为人演说，其福胜彼。
				戊二示说结问分二	己一示说不取	云何为人演说？ 不取于相，如如不动。
					己二不取之故	何以故？ 一切有为法，如梦幻泡影， 如露亦如电，应作如是观！
甲三流通分						佛说是经已，长老须菩提，及诸比丘、比丘尼、 优婆塞、优婆夷，一切世间天、人、阿修罗等，闻 佛所说，皆大欢喜，信受奉行。